



崇義縣誌

目錄


總目

誌序

碑文

畫圖

歷考



世草

天文

星野

氣候

地輿

疆城

形勝

山川附泉池

坊

街

鄉村

賦役

田賦

戶口

庸調附見夫役

物產

溝洫

倉廩

建置

城池

公署

陰陽學

醫學

僧道

行署

公規

建置下

學校

祠廟

兵房

城守

民壯

關隘

堡寨

郵舍

渡橋

養濟院

寺

觀

院

禮樂

慶賀

詔表

救護

祀獻

鄉飲

鄉射

上任

鞭春

冠

婚

喪

祭

風俗

秋官

知縣

典史

巡檢

教諭

訓導

武職附

守備

把總

官蹟

御史

知縣

人物

孝友

義善

科名

鄉貢

歲薦

鄉試

會試

崇義縣誌

纂修

知崇義縣事加一級王璧

校正

教諭李桂芳

訓導錢輝

典史由昌榮

舉人康世翰

致仕縣丞周曰鼎

貢生蕭士維

蕭斯元

車日星

叅訂

生員劉允熙

李文炤

蕭維翰

廖玉

謝斌

王璽

壇屬邑 亭武演

地壇

西街

門南

養正堂

遺愛祠 蔡院

坊察現

所備提

桂花亭

房官

街後

堂三西

兵房 刑房 工房 祠

監

急通舖 旌善亭

院

樓勝攬 堂川

崇義縣

門儀

門頭

牆照

堂遠靜

亭

政廳

倉 廩 倉 廩 倉

史房 戶房 禮房 承發房 倉庫房

迎會館 陰陽學 申

營守城

門南

南壇

門北

學社廣

學社起前

十字街 問氣 人文坊

廩 倉 廩 倉 廩

街後捕

街捕

地祠

署導訓

忠孝坊 聞絃坊

祠聖啟 堂倫明 聖殿

尊經閣

祠孝忠

成大門

池洋

育真才

城隍廟

祠明陽

魁星閣

祠聖三

仁厚新街

門東

廟王龍

城隍廟

祠婦節

山川壇 真藏圖書

纂修縣誌序

我

皇上御極以來蕩平既奏鴻庥鞏固息鯨波於海濱絕
三孽於藩方會車書而朗萬國固已超隋秦而軼
漢唐矣乃當歸馬放牛之年仍不忘久安長治之慮

命史臣登諸彤管纂修會典俾郡邑而下皆得輯誌遠
以採勝國之餘芳近以備

昭代之寶錄^實勒成書以資鑒觀斯誠足表無外

王猷而為保邦致治之善術也竊惟誌者記也所以紀

載星紀分野山川形勝疆域仙靈古刹之靈異與

夫民俗之奢儉土壤之肥磽物產之有無鳥獸魚虫

之類無不筆之於書又其大者莫如忠臣孝子烈女

貞夫與夫潛德遠逸行之為善於鄉國而或經喪亂

之餘或名淹滅而未彰歿世而無所表著者其為感

歎可勝道哉斯蓋鬼神之所怨恫而扶持世教者之所

欲亟改而揚厲之也崇之舊誌散佚無存僅得殘帙

數篇畧而不詳至於忠孝廉節之流其在

今日未經核實未奉

題請則未敢登諸篇章^章以滋擬議蓋誌之為義嚴而詳

簡而不浮確而可信今後之觀者考鏡源流知所得

失為^謂以是為有裨於世教云否則矣^梨無益也璧不

敏承乏茲土蒞任甫數月方將親民而用之訪諸父老
咨其土俗察其險要形勝所在而綏理焉誠_乾以保
亦是懼而未知其何以稱厥職也猥以邑乘授諸_操翰
翰敢辭_操探觚因敬弁其首

昔

康熙貳拾玖年歲次庚午仲秋穀旦

知崇義縣事加一級王璧題撰

崇義縣誌

歷考

建立

明

武宗正德十三年戊寅立崇義縣原屬大庾南康上

猶三縣分斷成邑

國朝仍舊

星野次舍星紀丑位

按晉誌自南斗十二度至女七度為星紀於辰在
丑吳越之分野萬揚州又唐誌南斗牽牛星紀之
次也丑初起斗九度中斗二十四度終女四度其分
野豫郡西賓彭蠡南踰嶺繳

氣候

按輿地江西古揚州也南境南安當其上游又盡
西南境環郡峯巒云不甚開拓地逼揚越天氣

之雨暘寒燥之候較之中土不渝每歲正月雨水
以後陰霾日多晴霽日少俗云春無三日晴

雷電時有烈風三四月驟雨時作亦以晴雨占歲

節有清明谷雨小滿芒種四月十八五月五日分晴

雨占歲稔儉夏至後少雨俗云夏雨不通籬冬深陰

雨霏霰斷而復續雲封山嶺旬日不解此一歲雨
賜之大槩也但崇義稍其為郡之西北萬山層
疊夏不甚暑冬不初寒霧露瀟漫非日出不散
秋來人多瘧疾

地輿

疆域

崇義縣地方三百六十里東西二百七十里南北九十

里北至上猶縣界茶瓶坳四十里南至湖廣柳州桂
陽縣界青嶺一百二十里南至大庾縣蕩平嶺一百
里至府治一百二十里西北至上猶縣界五爪嶺四
十里又西北至吉安府龍泉縣界草寮一百二十
里東南至南康縣界紅桃嶺六十里西南至大庾
縣界壁尺嶺一百二十里又西南至廣東仁化縣長
江一百二十里東北至上猶縣界沙嶺坳一百七十里

自縣治至府治一百二十里

形勝

衆山壁立 南郊界廣 山多田少 路如鳥道

水清如激 石奇如秀

山川

雲山在治東南八十里至大庾縣界

聶都山在治西南九十里高一百六十仞連亘四十

里贛水出聶都東山合南府浮江入彭蠡山下有

獅子岩岩內明亮可坐百人其上多砮石遠望

如雪岩可為茶磨元有蒙古人任郡僚琢取過

多又琢白石為礎五十雙載歸一日白石俱變脆質

磨石俱竭此山本屬大庾平政鄉今分崇義縣忠義

里南接湖廣界

雙鶴巖在聶都山舊名石室近尚有石室寺今名妙

因寺崗內有井上圓廣盈尺深不可測相傳神龍居
此遊人穢此井龍化雙鶴飛去後里有異人復歸
來其人亡鶴隨復翔翥久之不知所在崗可容有
人石乳凝列如列星下有石如鐘如鼓擊之有
聲又有石如佛像床榻列有岩穴相通泉清可

酌名觀音池

崇山在治地半里許縣後山也舊名旗山王都御史

以山崇峻易名

大龍山在治東半里許高八十餘丈連亘二里

龍虎山在治西半里許如虎飲河

觀音山在治南半里壁立峭絕往左溪經此又治七十
里亦有觀音山高峻險陟往思順經此

大嶂山在治西五十里環橫潦澗如簾幕然延袤百里
前臨紀岸跨以石廣盈又高數十丈

龍山在治東南五十里高峙橫亘接大庾縣界有鉢

孟庵

天臺山在治西南四十里聞昔人相傳有李公得道仙
導去遺像至今奉祀有庵存焉

符水山在治西南三十里一名浮竹均產竹小而且輕

鎮龍山在治北崇仁里上猶縣界至縣七十里有三仙飛
身而立有庵存焉

龜山在治西三十里形如龜故名產茶及水竹其節極
疏闊可為簫笛

傀儡山在治西南七十里

五指山在治西七十里

南源山在治西南九十里周圍六十里其高無比上飛瀑

百餘丈其下湫潭不可測成化年間大庾令夏璣親

供米兩勒碑紀其事今猶屹然

授嶺在治西北一百二十里

金雞嶺在治西北一百七十里

蓮花山在治北三百餘里高與南陽嶺相並上有岩

可容有餘人前有橋曰仙橋下有飛瀑百餘大

季時鄉人聚此為堡名曰蓮花寨

笋石在上堡治西北一百五十里有大笋小笋二石大者

高百丈尖峯圓直小者差低俱巍然峙立

泉池

本色水在治西南八十里源出忠義里穩下至下左

溪口金雞峽合帶園水縣名橫水取此

帶園水在治北城外源出大嶂山遠城西來會於東溪

出白面合過埠大江至琴江口合上猶江入章水

牛皮龍水在治西六十里源出洞南益潯經牛皮龍山東

流入章水

義安水在治西六十里源出玉泉山流經義安村合聶都

章水

聶都水即章水原山海經所云贛水出聶都東山是

也在治西一百二十里水流至江口十里至長龍又十

里至沙村二十里至結村又二十里至游僊橫島又二

十里然後二十里至橫浦橋

鱗潭水在治西一百里水竹坑口源出益蔣水有獸見潭上東

北入章水

潛水在治西一百三十里源出樟山崗流數里入坑復噴

出形家謂之潛水土人謂之鑽水

西符水在治東南六十里源出鑊山東流入南康南野

口入章水

南源水在治西南五十里出南源山東轉流出合符江

口入章水

溫泉在治北四十里白面舊名湯泉此水潦洄達於江潞

一泓溫別有一泓涼冷過者必浴

坊街巷鄉

太平坊在城中

子民坊在縣治左

弘化坊在縣治右

玉桂秋香坊在儒學左

錦鱗春躍坊在儒學右

鳴鳳坊為嘉靖癸卯舉人吳國器建

雲路光登坊為萬曆癸卯舉人張宸建

觀盛坊 仁讓坊在縣治西之南街

聞弦坊在縣治東之東街

閒氣人文坊在縣治北之東街

街

仁厚新街在儒學東

利達街在北門

泮芹街在儒學西

聞弦街在縣治東

西城街在縣治西

寶廣街在縣治西

豐豫街在縣治西

鄉村

歸仁鄉二里曰崇仁曰鴈湖惟太平坊在縣本上猶之

賢振德龍鴈湖崇仁上堡分置

招賢鄉二里曰永安曰忠義永安在縣東南二十里本大

度義安二畝分置忠義里在縣南七十里本大度義

安二畝二畝併立

崇教鄉二里曰隆平在縣東六十里本南康至坪分置

曰尚德在縣東北一百三十里本南康分置

崇義四詠

耳聃都蹟古 崇嶺名新

潛沉似波 帶水通津

崇義縣誌

田賦

原額田地山塘捌百壹拾壹頃伍拾貳畝貳厘肆毫玖絲

稅糧叁千柒百捌拾柒石柒斗貳升捌合肆勺陸抄肆撮

陸圭伍粟

內除原報有主無主入官荒田田地山塘一百一十四頃

捌十八畝四分三厘九毫

實在成熟田地山塘七百八十一頃三畝五分五厘三毫

五絲五忽九微五纖四杪

戶口

康熙二十年編審

本邑人戶除前故絕外實在七百六十三戶

人丁二千一百四十五丁

優免人丁四十八丁口一千一百二十有六今改為食鹽課

茶牙一觔七兩四錢六分

庸調

本邑柴薪皂隸五人於順治十四年奉文裁併俸內支

給皂隸清朝全書未載

馬夫二十名清朝全書載十六名實給銀九十六兩

馬快八名

民壯五十名

燈夫四名

轎傘扇夫七名

斗級四名

門子三名清朝全書止編二名

庫子一名清朝全書編四名

禁卒二名清朝全書編八名

看守嶺北道分司府館門子一名

守城梁夫二十名

吹鼓手八名

儒學項下

教諭一員俸銀共銀九十三兩九錢二分康熙三年全載

入丁地起解

訓導一員俸銀三十一兩五錢二分

齊夫銀三十六兩

喂馬草料銀一十二兩

門子二名一十四兩四錢

庫子一名

以上共俸食九十三兩九錢二分

斗級二名清朝全書未載

各舖司兵五名

物產

本邑石山土瘠蔬味菓品實不堪用奚足錄載

溝洫圳

本邑

忠義里 陂曰小分曰流分 古陂二所共一水發源自

此來流至本里村頭出合大江灌田三頃一十畝四分

曰孤山田寨下曰門前曰謝屋背曰寺前曰下村古

陂六所共一水發源自北來流至本里門前陂出合

大江灌田七頃三十畝六分

曰石橋曰青溪曰何婆衝下曰巖下曰嶺下古陂五所

共一水發源自洞頭流至本里橫水出曰門前曰大分

曰溪頭曰屋背古陂四所共一水發源自石圳流至本里合村出大江灌田三頃四十九畝九分

曰城背曰屋背古陂二所共一水發源自村頭坑源至本里門前陂出合大江灌田一頃五十五畝

曰石圳堤曰脊背古陂二所共一水發源自龍來流至本里門前陂出合大江灌田四十畝五分

曰古路發源自東來流至本里社前出大江灌田九

十二畝六分

曰天橋發源自李坑流至本里門前陂出合大江灌田二頃七十六畝一分

鴈湖里陂曰金坑曰無平曰門前曰門首下曰竹坑下曰高盆新曰古陂六所共一水發源自大樟山流至本里過埠山出合大江灌田四頃七十畝九分

曰橫水元曰橫水曰合溪曰合溪口古陂四所共一水發

源自天樟山流至本里出合大江灌田五頃八斗五分

烏溪均皆曰寺前曰宋屋前古陂三所共一水發源

自峯山嶺流至石下出合大江灌田四頃六十畝四分

曰藥源大黃曰竹分曰天分曰王何曰墓林曰仙古

陂六所共一水發源自峯山嶺流至本里藥口口出合

古亭大江灌田九頃二十一畝九分

曰小澗水曰車頭古陂二所共一水發源自崗峽流至

本里村前出合大江灌田五頃十畝

曰彌陀發源自烏龜山流至本里出合大江灌田

六頃一斗畝四分

曰上水曰小澗曰十水眼古陂三所共一水發源自果

山口流至本里村前出合大江灌田五頃五十畝二分

曰化山曰桐梓曰藍公坑曰楓樹曰灌下古陂五所共一

水發源自高視坑流至本里出合大江灌田九頃一十

畝五分

曰石筍曰凹背曰規下古陂三所共一水發源自石筍

陂流至本里石溪村出合大江灌田二十二頃五畝二分

永安里陂曰村頭發源自聶都山流至本里灌田四十畝

尚德里陂曰嚴立曰老山曰烏田曰石角曰籠勾曰社背

古陂六所共一水發源自相州里嚴峯嶺流至本里

江頭村會上猶江入章水車蔭田五十七畝

曰綠村曰業平古陂二所共一水發源自尚德里君

山流至本里江頭村合上猶江入章水章灌田七頃

四畝五分

隆平里陂曰新溪灌田三十畝曰南田灌田四十畝曰

石古灌田三十畝曰沈埠灌田二十畝曰茅坪灌田

四十五畝曰視頭灌田四十畝曰梯仔灌田二十畝

曰白后灌田二十畝曰龍仔灌田一十五畝曰虎頭寨

灌田五十畝曰牛牯灌田五十畝曰樟樹灌田五十畝
東方氏曰祖宗時極重溝洫正統間稍易矣楊文
貞在內閣上疏言先朝相地開濬脩水旱今置
却縣修復考滿時以為殿日取吾邑水利有塘有
陂而陂委為圳有石有土或倚山或在田有明溝
有暗溝而水出小谿常瀑急倚山在田之溝不歸
溪水輒波衛洪坍塌於是石砌畔為圳者有借
田為圳者而借田為圳又有二端明溝暗溝是也且
夫食者民之命也水者穀之命也是以詔令申嚴
課績詳核夫既冊施其容晏然顧以屬之官則時
絀屬之民則分散屢於率作為之刮分民之食德多
矣若乃占據為魚池為田畝此且為之所者也

倉廩

本邑

預備倉在縣治東為廩拾今已傾圮存基王康熙三十年奉
旨積穀本年新建

社倉四在縣治西隅知縣劉汝芳建今已傾圮止存基王

城池

崇義縣本上猶橫水地近猶之崇義鄉正德十二年

丁丑都御史王文成征平橫水左溪桐岡等巢崗奏

分猶之崇仁上保鴈湖里庾之忠義永安二里康之隆

平尚德二里立縣治十三年戊寅委南康縣丞舒富

上猶典史李祿築城計周圍五百四十一丈厚一丈有

三丈高倍之腰牆高三尺雉蝶一千九百有二城門四

東朝陽南太平西永安北迎恩東北瀨溪西南鑿

濠正德庚辰間有圯壞副使王度委興國縣丞雷

仁補築

公署附陰陽醫學僧道司會俱缺

崇義縣堂周圍衛以土牆深六十丈廣二十丈有九東至
東街民居西至西街民屋南至南街民居北至後街
民居頭門為樵樓去南門百餘步正堂抵樵樓
可五十步堂左為贊政堂後為川堂又後為後川
堂左架閣庫右小廳有事時或為冊局正堂右
庫藏又右為縣署署右有小書院為桂花亭而
西北盡於此贊政堂左為儀仗庫外省廣地土一畝
南則為捕衙東有塘二口北為預備倉而東北盡
於此樵樓內右獄東向左土地祠延賓館背西向儀
門內東西房各四間中為甬道立戒石碑亭後覽
勝樓祀玄帝其上餘有曠地半畝而北地盡於此頭
門外右有賢侯祠南向又有陰陽醫學東向又縣前
有旌善申明二亭各一間東西向中立右鄉二座按諸
堂宇皆都御史王公委南康縣丞舒富所建縣正街

則知縣祝樹所建覽勝樓則知縣陳俊所增建樵樓
則知縣於可成所更造堂前捲蓬桂花亭則知縣劉

汝芳所築預備倉則知縣錢壇所建知縣王廷權

在縣前作惠民汲福二井後人塞之作一石獅子其

上歲久各處傾圮後堂川堂萬曆庚戌冬修賓館

辛亥春修桂花亭左右添作一間壬子夏覽勝樓

修整門牆邊房甲寅春預備倉修左右十殿二門

更建頭門左甲寅冬皆知縣林際春也縣堂捕衙

皆久廢知縣耳爾翼重修九各亭祠俱傾圮

崇禎我陰陽訓術醫學道會缺僧會司一員僧明慧行署

崇禎察院為上司巡歷駐劄之所舊名府館今已傾圮

穩下公館去縣三十里在黃龍寺

鉛廠公館去縣六十里

義安公館去縣九十里舊有義安館在小溪東隸於大

庚午久傾圮難以宿歇萬曆甲寅知縣林際春謀建
是館名止居亭其興建始末在其記中公館經亂
無存知縣梁爾壽於康熙辛酉重修康熙三十年
傾圮

崇義上保巡檢司舊在通準鎮都御史王公曰上保右
溪爛坵坑路通榔桂奏請至上保去縣一百二十里
司基深三十丈濶二十五丈東至田西至路南至地北

至嶺今上保盜賊因先年時以其地僻瘠難以
駐劄仍遷回通準僦民房住居所轄汛地屬
湖里崇仁二里

鉛廠司巡檢舊在鉛山司基深二十五丈濶八丈
東至地西南北至路嘉靖丁未知縣陳俊申
請改于轟都去縣治一百二十里居三省之界
誠宜設鎮但無衙宇僦民房居住所轄汛地

永安忠義二里

長龍巡檢司舊在隆平里長龍司基深四十

丈濶二十六丈北至塘南至路西至田嘉靖

癸巳都御史曹公提署印醫官劉修鵬之

請遷于尚德里江頭建有司衙而舊司基遂

廢後江頭司衙被洪水衝壞難以居住巡檢

胡文秩請復隆平更建司衙時署印通判

施守官甚言不可知縣林際春接承其議疊

申院道定于尚德江頭置弓兵朱旺巡地深一

十二丈五尺濶一十二丈建置司衙萬曆己卯春

告成而以舊司基作長龍鄉約所今各分舊

地諸人戶歛皆鳩工而成其額未曲折其載在

申文申所轄汛地隆平尚德二里

公規

一縣衙啟閉皆用鼓吹相傳旗山峻巘宜鼓吹以制之不測有害故官雖不坐堂而鼓吹習以為常其實不然此必初建縣時陽明王公假此鎮壓反側以壯威聲無非為安靖地方計耳循例習用由來已久亦所以遵陽明王公之舊而不敢

易焉

建置

學校

宗義縣儒學在縣治東聞絃街外自宗正學

育真才二坊以北深四十丈濶二十有九中聖

殿殿後為明倫堂道由標星門東入堂左為

啓聖祠右為西學官私衙後為敬一亭西

廡在聖殿左右翼西齋在明倫堂左右翼

最後為尊經閣聖殿額祀明邑侯林公大佐

於萬曆己未年十月興工修學廡申三月共成鄒南學
先生元標有碑記碑未刻云劉嘉隆送出東門內園

塘言膳學載糧一斗二升其糧原在業主謝應

薦戶今准應薦承佃逐年還稅一兩二錢內除二錢

完糧餘一兩送學檢修殿宇於順治十七年知縣甘

爾翼同教諭張世締捐俸重修歷後東西廡及大

成門櫺星門風雨損壞棟宇傾毀於康熙十年冬月

知縣何道行同訓導游肇捐俸重修又有齊街

自定鼎以後竟成坵墟於六年冬訓導游肇捐俸

重修十四年賊寇焚急學宮灰燼僅存西廡十九

年冬教諭李桂芳糾集諸生公呈修理大成門西

廡二十一年春訓導錢輝糾首請府憲馬勸令邑

宰梁爾壽出資買備木料重創學宮爰同知縣

王壁教諭李桂芳典史由昌榮暨紳衿里民等捐助

鼎建然尚茅茨二十六年始易茅為瓦器皿經魁無存

啟聖公祠在明倫堂左因亂傾圮止存基址

煥文祠在明倫堂左傾毀儒學李錢捐已修建

壇社所

社稷壇在城西每歲春秋仲丁次日詣祭

山川壇在城南每歲春秋仲丁次日詣祭

邑厲壇在城北三月清明七月望日十月朔日詣祭

鄉厲壇二所一所在城南四隅一所在城南營中

祠廟

城隍廟在儒學左舊在縣北門外一百步小溪向北正德已

卯王都御史命南康縣丞舒富建立嘉靖癸未副使

林大輅命通判汪集遷建城中儒學左

陽明王公祠舊在儒學明倫堂西嘉靖辛亥知縣王廷

耀嫌其制卑隘非崇祀休而增廣之爰居無所乃

改建其祠於儒學東而以舊祠為廣文私宅隆慶戊
辰知縣毛子翼餘姚人為公同里捐俸鬻地擴而新
之有記迨後祠堂久壞於萬曆三十年知縣林際春捐
資重建甲寅告成丙辰正月手書碑記順治庚寅年
被寇拆毀前殿兩廊止遺公像於康熙十二年大庾縣
知縣胡灌署理崇事捐俸糾集在縣紳衿捐助重建
魁星閣在城東居儒學辰巽之方巍然特起文星高拱於

斯文大為有裨具載通誌

邑侯生祠

邑宰林公諱夢祖仁廉恤民立有生祠在魁星前倒
塌止存基址

邑侯林公諱大佐清廉愛民隆禮造士立有生祠在城南
門外觀音山下往府通衢東邊邨南準先生親贈
祠扁清風堂三字今止存基址

本邑社學四所

一在縣西南大街名養正社學界連府館止存基址

一在縣東隅名志道社學止存基址

一在城外南隅舊名徒義社學又名求益社學今廢

一在城北樓下東邊名廣業社學俱廢土存基址

一義學并池園在十字街東邊康熙三十二年陳日

昇捐貲建

兵防

縣治耳聃都地方至文英四十里設立文英一營額設

守備一員把總一員目兵四百名內撥把總一員帶兵

四十名駐防崇義城又地名百担坵離該營一十里

界連湖廣桂陽桂東二縣廣東韶州府仁化縣

接壤設陸汛一塘撥目兵三十名駐防

本縣教場在城外西北半里中建

關帝祠在設演武亭

隘

小坑隘

穩下隘

關田隘俱義安一畝

流決隘義安二畝

耳聃都隘義安三畝

橫水隘崇仁里

長流隘

古亭隘俱鴈湖里

化三寨八十里至縣治西鴈湖里一畝

蓮花寨在治東北尚德里二百三十里至縣水樓凡五在

治西南忠義里鄉民建之自固

題脩官廨嘉靖間題 准府撥南安所千百戶官內取

一員屯軍撥四十名操練防守更換萬曆癸卯年始
議專定軍人撥屯田常戍今廢

郵舍

崇義縣總舖

安穩舖在治南三十里舖通鉛山

鉛山舖在治南六十里舖通義安接大度

買犢舖在治北三十里通上猶

望關亭在治北茶瓶坳

凌雲亭在縣二亭俱知縣王廷耀建以便行旅今廢

橋

太平橋在縣南門外至縣堂四十步正德十四年縣丞尉

富建嘉靖四年知縣張稷重修

鄒坑橋在縣北四十里元大德間募緣以創右建之

蕉坑橋在縣北四十里景泰中里人建

渡

北門渡

長潭渡在縣北四十里

廣木口渡在縣西四十里

院

養濟院在縣北門外東邊倒塌止存基址

漏澤園在縣北門外西邊

寺觀

龍王觀在城隍廟左今廢止存基址

金仙寺在永安里文英至縣一百二十里宋建

黃龍寺在忠義里穩下至縣三十里明建

祝聖寺在忠義里耳聃都沙溪洞至縣一百一十里明建

天台山在治西南去邑四十里名李仙公菴宋皇祐建傳

有道者寓焉又有行祠在仙人嶺以道者常遊故以

仙名嶺併建行祠永樂乙未知縣何敦因久旱致禱立
應重新之

天虹山在治西三十里如壁立原係舊刹順治年間高僧

靜目改址重建殿宇禪房巍峩精瑩僧徒數十

自耕而食不募化十方康熙二十八年三月十一日寺

遭回祿隨即鼎建三十年告成

古西山在縣四里許原係舊刹經寇拆毀康熙年間有僧

聖松頗精禪理募化本邑改址重建

水口寺在北門外董公廟左

九齡菴在治西北去縣一百二十里前山有九十九峯後有

石山來龍四圍護逸層巒秀麗樹木石茂明有高

僧名養性者精於禪理募化創建今菴廢址存僧徒

數人畧架茅茨力耕以完

國賦今重建康熙三十二年重修其殿宇弘麗更勝天虹山

長慶菴在鴈湖里過埠水北至縣四十里明建
燕子岩在治西北一百二十里前有三峯名將軍嶺後有
石似人名回回嶺岩口如獅形上開數十丈高廣潤
如之內有正殿禪房數十間不用斤瓦覆蓋岩之
空處俱燕倒懸石壁即蝙蝠也其燕糞每年可肥
田數畝幽靜精雅真勝景也今址存而菴廢

禮樂

慶賀

允遇元日詔表本縣知縣率佐領僚屬及師生鄉
耆里老人等先日設龍亭香案金鼓旗樂具
朝服於王公祠習儀用鼓樂儀杖香案迎龍亭
於縣大堂具朝服舞蹈三呼祝賀如

制

文廟行礼畢詣城隍廟城隍廟礼畢詣王公祠王公祠

禮畢詣闕帝廟每月朔望禮生二人贊禮慶賀長
至與元日祝賀禮同

萬壽聖誕禮與賀元日長至同祝辭稍異

祭祀先聖每歲春秋仲月具祭品各官誠敬齋戒至

期各具祭服知縣為獻官教職佐僚為分獻餘皆

陪祭奏樂行礼如

制

救護

日食知縣諭佐僚師生及各屬官等各具朝服赴縣

大堂月臺設香案知縣為班首伐鼓行礼三次

月食知縣諭佐僚師生及各屬官等各淺淡服烏

角帶知縣為班首伐鼓行礼三次

祀獻

社稷本縣春秋仲月上行祈報禮知縣具朝服為獻

官迎送神三獻撤饌望塵有以鼓樂縣治各里灶
隨俗祭之

山川本縣春秋仲月祭丁之次日行礼木主凡三獻
中稱風雲雷雨之神在縣南原有古蹟山川社稷
之神在縣西城隍之神知縣祭服行祭

名宦鄉賢

賢侯祠在城西南隅典府館相近

陽明祠在城儒學左春秋仲月及每月朔望知縣
常服致祭

邑厲壇在治北半里每歲三月清明七月望十月朔
以縣城隍統邑厲知縣為主祭餘陪祭各具祭
服致祭

鄉飲

本縣每歲正月望十月朔舉行知縣為主舊禮以

鄉官為履為司正賓介賓請致仕鄉官或年高
篤行者民為之三賓祭賓亦者民為之爵豆解
鍾鼓皆具用之例府領縣佐聚不舉席

鄉

本縣趕調官春秋仲月望師諸生射圃習射禮今無

新官上任

本縣官上任先一日致齋於城隍廟次日祭告城隍

息禮畢升堂行參見禮各役吏胥生員倉巡佐領教

職各屬以次而謁

鞭春

本縣遇將立春於東郭壑造土牛芒神先一日縣

正官師領官僚及師生鄉耆里老人等具盛服

用鼓樂從東門迎入縣儀門外安置香案以次日

立春時刻縣正官為班首各具朝服隨從行祭禮

鞭擊饗宴如儀

冠

凡冠其古儀礼朱文公家礼丘文莊公家礼儀節

甚備正德間督撫王文成公命輯四礼節要於冠

則命鄉塾每月朔教童子肄習本邑常行

婚

男女自幼媒妁通意問母氏及男女名係第幾女

取女庚帖送男家推下如古納采問名既吉男氏諏

日備菓餅礼物報知女家俗云報好亦畧如古納

吉女氏隨宜回答稍長男氏諏日用金銀銀鐲

衣物菓餅俗云下定如古納徵徵成也女氏隨

宜回答豐納不同崇俗從儉將婚送書請親亦

畧如古請期諸凡儀礼各稱身家有無凡此三

礼皆媒妁先達意然後行礼至期女氏備奩

喪

儀鼓樂送至男家成婚命醮合巹共恭謁
兼用礼俗有廟者三日而謁酒食讓召豐
蓄隨宜諏吉新壻詣婦翁家俗云上門
凡父母及尊長有疾子男卑幼皆去彩服
著青汎掃堂室父母死子徒跪括髮哭
痛五服以次哭臨洗擲含殮隨宜士大夫
殮無小殮成服惟具棺令長守以上間有擲
族姻居遠者有訃近則否所知陸續吊問主人
朝夕哭饋奠至重發鞠族姻與交遊情密者
再來舉奠名曰奠別非至親及親密者只初喪吊問
不來奠別女子出嫁者惟父母兄弟之喪來哭奠別
則否正德嘉靖間乃製主請任人點主乃下葬所
葬之山多無稅惟先葬一二三塚即名為己山亦有

一山面數姓者或作隄或暨名為界喪親饋粥
蔬食不入御者時亦有之

祭

凡祭俱攷正朱文公家礼立文莊公家礼無祠者

祭於寢高祖南面居中席曾祖西面祖東面讓

曾牛席考西面居曾之下凡主祭或推族長或

族賢皆以始徙家者為初祖每歲清明冬至行

礼備以俗樂鼓笛亦有七月望行俗礼燒衣焚

錢住官士庶各以衣頂祭之

風俗

崇義三縣拆壤成邑水遶斗山而下因名橫水

分土既殊習俗亦異建邑列爲七里曰鴈湖曰永

安二里民朴而魯曰忠義曰崇仁土腴俗儉惟

隆平尚德二里好尚雖淳頗多健訟太平一里

附郭習禮書重禮法力作其本業也然遭喪
亂之餘田疇拋荒廬舍焚毀民之露處者
結茅而棲牛種不給者比比皆然七里之民十
喪八九其大勢然也地多層壑峻嶺兼以土
無所出財貨商賈遊士術客鮮遊其地病
乏醫藥唯信巫祝以禳解之規則雜以粵人僑
寓險詐巨測叠遭毒害雖容其耕耘以贍
國賦然輕於來者尤當慮其掉臂而去也雖
然禮樂百年而後興崇之民生聚教訓俾其
休息數十年其方興或未有益也

政績

張子濤崇義人附例

其楠崇義人附例相第

其栢崇義人附例

列 儲崇義人州同知魁子附盤討林通判

崇義縣誌

官秩

知縣

陳瓚懷安人舉人

唐時凱辰溪人歲貢

彭寅海陽人南康調任

祝澍諱桂人舉人嘉靖七年仲冬丁卯王陽明先生

夢夢於南安青龍驛輿至南野驛越四日季冬

庚午殮已突莫崇義知縣祝公輿焉

高亮邵武人歲貢陞壽州知州

霍賜南海人歲貢武學訓導陞任

王友直蘭溪人歲貢

陳俊邵武人選貢陞饒州府通判

王廷耀長陽人選貢嘉靖三十年辛亥改建陽明祠

丁一敬丹陽人歲貢

秦濂無錫人歲貢

劉鑰四川人歲貢見傳號東泉嘉靖三十五年

到任修學有碑

王洪衡山人歲貢

萬惟一平溪衛人舉人

毛子翼餘姚人舉人陞汀州府通判隆慶初修陽

明祠有碑

陳應元漳平人歲貢

鄧濬南海人舉人調南康縣陞知州

許榷錢塘人歲貢

吳江號浴川宿松人歲貢陞台州府通判萬曆

七年到任修學有碑

錢愷慈溪人選貢

萬慶桂上元人選貢

廖希堯番禺人舉人

唐時熙安溪人選貢才優識敏陞柳州同知

陸夢祖山陰人進士朗識敏才初任即修學舍

大有能聲更丹徒縣令

於可成仁和人舉人

劉汝芳宣城人舉人節省里甲見碑更曹縣

楊邦直通道人選貢

林際春字宇稗號縣釜泉州府德化人舉人萬

曆三十八年任作吳學校在任六年廉明勤慎

陞廣東肇慶府德慶州知州修陽明祠有手

書碑時四十四年正月

任顯字鳴鶴湖廣澧州人由選貢

林大佐廣西南寧府隆安縣人由選貢戒奢後

禁邪教端風化民立生祠曰清風堂萬曆

四十八年庚申修學有碑

天啟

郭廷元字起雲福清縣人

劉銳字大岑湖廣蘄水人剔蠹殄賊

有謀斷陞連州知州

徵糧有法賊寇破城解任去

催作霖盛京河間府故城縣己丑進士未滿任因

議回籍

王斗樞字君五山東青州諸城縣由解元進士兵

學勸農練兵退寇釐剔夙弊吏胥束豆因

少工部錢糧降級調用後部屬揚州權閔

朱組級湖廣孝感縣人進士才敏敏洪招安里戶

議報開墾降級調用

王宰山西潭州人舉人臨鄉丈田愛民省費卒後

民間涕泣

康熙

周維新盛京東光縣人拔貢清糧畝除風弊

徵熟免荒愛民礼士

甘甫翼字右民號西庵福建福州府人恩貢

崇禎

倪朝賓號四穆湖廣景陵人由恩貢礼賢惠民

卒於任

董宗累南直贛偷縣人歲貢偏聽貪酷革職

葉元芳字瑞甫浙江松楊縣歲貢捐介寬和因

末員典史陳元楊凌梅告致

金孔器字璉如南京池州府選貢立碑薄收糧以

清堯攬免雜項陋規陞南康府同知
黃夢孔福建漳浦縣人由舉人卒於任

吳明卿江南徽州府人由貢卒於任

王言福州府人歲貢王師到贛投誠上司薦拔

卒於任

清朝順治

李效祖陝西三原縣人舉人順治四年任課士撫民

順治十七年仕

陳勉莆田人

梁璠新會人

宋九齡建德人隆慶初

楊秉和宿松人

劉評東莞人

蔡汝謨治具人

曹鏗錢塘人萬曆初

鄭書莆田人

李有思餘姚人

陳乾龍溪人

王鵜壽州人

余時修滁州人

李廷燦仙遊人

張舜智歸安人

王大謀浙江人

黃應魁莆田人

陳元楊蘇州吳縣人因凌侮邑侯葉公革職

劉世儒同陵人

清朝順治

孫之玉浙江人

邵乾浙江人

丹承恩浙江人

華景韶浙江人

陶玉成大具人

方文聰浙江金華府浦江縣人康熙十一年恭奉

離任

任秉極陝西西安府三原縣人丙辰年死於寇

由昌榮陝西富平縣人

上保司巡檢

張承忠順天府宛平縣人

林良棟直隸順天府大興縣人

鉛廠司巡檢

楊洪熙浙江紹興府山陰縣人

余應望浙江紹興府山陰縣人

長龍司巡檢

左鳳翔山西平陽府蒲州人

劉雅韻陝西西安府臨潼縣人

教諭

正德十三年設

葉嵩會稽人

嘉靖

余哲灤水人

張懽惠安人

陳稚英海陽人舉人陞龍泉知縣

鄭喬廣西右衛人舉人陞國子監學錄

吳現海康人

薛衛普定人舉人陞安義知縣嘉靖二十八

年己未到任

王寵懷寧人

隆慶

顏大齊泉州人

徐秀舉人陞崇仁知縣

劉夔華陽人王陽明祠碑隆慶二年

萬曆

徐言上虞人

鄒兆陽南海人舉人陞建昌知縣

黃圻甌寧人

符坤字懷郊丹陽人陞磁州學正

詹幸字南楚

蕭文韶安福人舉人陞松楊知縣

金宗煥義烏人舉人陞臨高知縣

吳夢說高安人舉人陸銅陵知縣

李儒浮梁人

余國臣德安人

徐大聘上津人

萬應撓進賢人

武光宗應天溧水人

胡國輔江西德安人

李玉林南直靈璧人

凌欽儒江西長寧人

金聲揚南直華亭人

董 裡江西贛縣人

王嘉士貴州人

朱濤江西永豐人

胡光宇江西萬安人

方淑衍江西樂安人崇禎八年乙亥在任見石碑

周道弘貴州黎平府籍湖廣清州五開人

劉光社江西饒州府樂平縣人

清朝順治

張世緯江西建昌府南城人邑郊舉人康熙二年

奉裁教諭康熙十七年復設

李桂芳字伯衡撫州臨川人戊午副貢康熙十

九年十月二十四到任三十年陞真定府無

極知縣

訓導

正德

徐憲歛縣人

嘉靖

余翰陽紅人

陳坦羅溪人

翟綱南平人

余鐸黃巖人

武戩未安人

凌文緒化州人

鄭應麟合浦人嘉靖三十八年己未到任陞

崖州學正

隆慶

陸表四會人陞安遠教諭

謝以質海陽人

萬曆

賀思賢永新人

王士尚合浦人

黃光字念坡星子人陞寧都教諭

楊鴻字雲臺清遠人

王松孫字見源舉人陞天台知縣

趙彰志字少華新興人

潘廷璣茂名人

饒質善新淦人

沈紹伊嘉定人

李為學連州人

張天儲龍南人

江應祿江寧人

鍾日新江西興國人萬曆四十八年庚申在任

見石碑

天啟

鄭燦湖廣江陵人

余爰湖廣應山人

張葉昌廣西左州人

袁 魏北直隸人崇禎八年乙亥在任見石碑

陳玉所瓊州人府誌廣東澄邁縣人

丁德樹江西豐城縣人

清朝順治

朱明江西萬年縣人

康熙

游鑿江西瑞州人

程良佐饒州鄱陽人原在奉新長寧訓導

補選宗義訓導陞湖廣晉州衛經歷康熙

熙十八年在任

羅泰升南昌府新建縣人卒於任

錢 輝字簡生南昌靖安人康熙二十年到任

二十五年二月丁艱

武秩

陳守志山西人

南秉正河南人

何其卒浙江人

孫大謀浙江人

文英營字脩

王嘉善北直大興縣人順治壬辰武進士

龔成玉江西撫州人

桂德澤北直人

李學孟北直通州人

李儀鳳北直景州人

把總

何井生

陳奉

羅雲聶都人

盧有高字其中寧都人

宦蹟

御史王守仁字伯安餘姚人進士正德末以

僉都御史南贛奏改提督軍務提督

自此始然從容談議率郡中士人至贛

之濂溪書院講學示良知之旨輯四礼行

鄉約以教民郡中有桶岡尚茶寮原有

安插飢民號曰輦八四方剗剗典嶺外三

剗為声援不可化誨遂兵勦之立崇義

縣治後寧藩逆節著遂率所教練之

兵同吉贛兵平之陞副都御史巡撫江

西奉蠲租賦進南京兵部尚書兼左都

御史封新建伯贈侯謚文成公

劉鑰上元人歲貢嘉靖間知崇義時方
用里甲每月有饋悉不受課僕種蔬于
圃間數日用價市魚肉嘗曰邑小無大
爭統何若喋：遇西造理諭之遣去

民極愛戴

陸夢祖字瑞亭山陰人進士萬曆二十七年
知崇義以邑小後繁極力剗童皆節省

之闢學前直街修廟廡號舍親課郡士
任年餘調丹徒士民攀送莫不涕泗後任

福建御史

王斗樞字君武山東青州諸城縣由解元進士
興學勸農練兵退寇釐剔夙弊吏胥束手

因少工部錢糧降級調用後取部屬揚州權閔
周維新盛京東光縣人授貢清糧畝除夙弊愛

民礼士因荒粮催徵不前降級解任士民留記

高景之山東膠州人由進士清廉節儉訓士卹民

因康熙十四年偽逆破城逼拘楚地士民頌祝

吳明卿江南徽州府人由貢在任政實心愛民一清

如水

梁爾壽陝西西安府鎮安縣人由拔貢隨徵

抵任招撫難民請上借米賑濟飢民捐修學

宮邸報陞府同知領咨赴部候補

張世綿江西建昌府南城人己卯舉人捐資修

學諄懇造士崇庠桃李沐時雨而各自成溪

人物

孝友

劉昭理字汝温南康人隆慶二年由崇義貢士

於連江教諭惟端恪不營貨利孝事父母在

官獎諸生言必以孝弟最之士人聞其素名服
從卒祠連江名宦

義善

王玉琦竹岡自縣至府砌結大路

陳廷辛養梅砌結過步街

科名

鄉貢

嘉靖癸卯科中式舉人

吳國器授光澤藍山知縣工猶人

萬曆癸卯科中式舉人

張宸授四川成都府資縣知縣南康人

萬曆己酉科中式舉人

月應簡授和平知縣致仕祀府鄉賢大庾人

清朝

康熙癸卯科中式舉人

康世翰字子輿十八年揀選知縣本縣人

歲貢

嘉靖元年

王貫梳授啟祥縣丞

二年

劉時未仕

四年

郭嵩授安陸知縣

六年

鄧鶚授府天經歷

十年

雷霽授惠安縣丞

十一年

劉翔授河源知縣

十二年

劉珊授湖廣瀘溪訓導

十三年

羅廷傳授海鹽主簿

十五年

井立中授義烏訓導

二十七年

陳言未仕

二十九年

鄧黻授河間府照磨

三十一年

吳起龍授池州府通判

隆慶元年恩選

陳舜道任 祀府鄉賢

萬曆十二年

吳國揚授茂名知縣

十四年

奚憲第授德平訓導

十六年

鄧子侃授象山訓導

十八年

吳起鵠未仕

二十年

何登魁授保昌知縣 府祀鄉賢

二十二年

許承宣授松江通判 陞福建鹽運使

二十四年

鍾師聖授萬年訓導

二十六年

王立愛授定襄知縣陞鎮江通判

二十八年

蔡世勅未仕

羅中英初任四川成都府汶川縣知縣陞貴州麻哈

州知州

四十五年

王一令授閩縣主簿陞增城縣丞

四十六年

蔡孔鑄授紹慶訓導陞萬安教諭

廖乾象授歸安縣丞

四十八年

賴子崇授江都主簿陞知縣

秦昌元年

陽浩然銓考主簿

天啓元年

陳萬壽授汾州經歷陞海寧衛

三年

郭民偉授新喻訓導

五年

乙亥拔貢

且嘉虞未仕

九年

楊學孟未仕

十年

郭建明未仕

十二年

郭民屬授德化訓導兵變盡節于任

十四年

王家賓未仕

十六年

王念祖未仕

大清

順治四年



